

შ.პ.ს. “საქართველოს ტელერადიოცენტრი”



აუდიტორული მომსახურების
შესყიდვის გამარტივებული ელექტრონული ტენდერის

სატენდერო დოკუმენტაცია

ქ.თბილისი

2017 წელი

სარჩევი

1. ინსტრუქცია ტენდერში მონაწილეთათვის -----	3
2. ტექნიკური დავალება -----	4
3. სახელმწიფო შესყიდვების შესახებ ხელშეკრულების პროექტი -----	10
4. დანართი №1 პრეტენდენტის რეკვიზიტები -----	19
5. დანართი №2 ფასების ცხრილი -----	20

1. ინსტრუქცია ტენდერში მონაწილეობის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.
- 1.2 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება “სახელმწიფო შესყიდვების შესახებ” საქართველოს კანონის და “გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.3 ელექტრონულ ტენდერთან ან გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. ავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წვეტს სატენდერო კომისია.
- 1.4 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭედის არსებობის შემთხვევაში) უნდა იყოს უფლებამოსილი პირის მიერ.
- 1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.6 პრეტენდენტს არ აქვს უფლება წარმოადგინოს ალტერნატიული სატენდერო წინადადება.
- 1.7 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქთბილისი, მთაწმინდა, ფუნიკულიორის ზედა პლაცო, შ.პ.ს. “საქართველოს ტელერადიოცენტრი”; საკონტაქტო პირები:
 - დავით ტაბლიაშვილი, ტელ: 2368116; 577 243444; (სატენდერო დოკუმენტაციასთან დაკავშირებით)
 - ზაზა მარგიშვილი, ტელ: 2368116; 577 962828; (სატენდერო დოკუმენტაციასთან დაკავშირებით)
 - ღარეჯან იანტბელიძე, ტელ: 2506330; 577 725757; (ტექნიკურ საკითხებთან დაკავშირებით);
 - კახა ჭანტურიძე, ტელ: 2506330; 577 243475; (ტექნიკურ საკითხებთან დაკავშირებით);

2 ტექნიკური დავალება

2.1 პრეტენდენტის მიერ ტენდერში მონაწილეობის მიღება (სატენდერო წინადადებისა და თანდართული აუცილებელი ინფორმაციის/დოკუმენტაციის სისტემაში ატვირთვა) ავტომატურად ჩაითვლება პრეტენდენტის თანხმობად ამ სატენდერო დოკუმენტაციით განსაზღვრულ მოთხოვნებთან და პირობებთან.

2.2 შესყიდვის ობიექტია მიმწოდებლის მიერ შემსყიდველისათვის ქვემოთმოცემული სახის აუდიტორული მომსახურების გაწევა ამ სატენდერო დოკუმენტაციით განსაზღვრული პირობების დაცვით. აღნიშნული მომსახურება მოიცავს:

- ა) 2016 წლის ბუღალტრული ანგარიშგების ფინანსური აუდიტი, რაც თავის მხრივ მოიცავს შ.პ.ს “საქართველოს ტელერადიოცენტრი“-ს ფინანსური უწყისების შემოწმება-შეფასებას (მათ შორის აღმოჩენილი შეცდომების გასწორება), მათი განმარტებების ფორმირებას, აღრიცხვის უტყუარობის შემოწმებას და დამოუკიდებელი აუდიტორის მოსაზრების დაფიქსირებას. აღნიშნულის ფარგლებში მიმწოდებელმა უნდა მოამზადოს და შემსყიდველს გადასცეს შესაბამისი აუდიტორული დასკვნა (2 ეგზემპლარი);
- ბ) 2016 წლის ბუღალტრული ანგარიშგების საგადასახადო აუდიტი, რაც თავის მხრივ მოიცავს შ.პ.ს. “საქართველოს ტელერადიოცენტრი“-ს მიერ მომზადებული და საგადასახადო ორგანოებში წარდგენილი საგადასახადო დეკლარაციების შემოწმება-შეფასებას (მათ შორის აღმოჩენილი შეცდომების გასწორება), დასაბეგრი ბაზისა და გადასახადების ოდენობის შემოწმებას, ასევე საგადასახადო რისკების შეფასებას და რეკომენდაციების გაცემას. აღნიშნულის ფარგლებში მიმწოდებელმა უნდა მოამზადოს და შემსყიდველს გადასცეს შესაბამისი აუდიტორული დასკვნა (2 ეგზემპლარი);
- გ) შემსყიდველი საწარმოს კაპიტალში ცვლილებების განხორციელების (მათ შორის სახელმწიფო ან/და მესამე პირის საკუთრებაში არსებული ქონების შეფასება და შემდგომში კაპიტალში შეტანა), ქონების სარგებლობაში გადაცემის/გადმოცემის, რეალიზაციის, ასევე ჩამოსაწერი და საექსპლუატაციოდ უვარგისი ძირითადი საშუალებების შეფასება სარეალიზაციოდ ან გასანადგურებლად მომზადების მიზნით, პროცესის აუდიტორული მომსახურება და შესაბამისი აუდიტორული დასკვნის გაცემა (ქონების შეფასების აუდიტი). ამ მომსახურების განხორციელება დამოკიდებულია შემსყიდველ საწარმოში მხოლოდ შესაბამისი აუცილებლობის წარმოშობაზე და შესაბამისად, არ არის ფიქსირებული ამგვარი მომსახურების რაოდენობა და პერიოდულობა, თუმცა ფაქტიური მდგომარეობიდან და გასული წლების ანალოგიური მონაცემებიდან გამომდინარე, ამ პუნქტით გათვალისწინებული მომსახურება განხორციელდება არაუმეტეს 125-ჯერ და თითოეულ შემთხვევაში საჭირო იქნება შესაბამისი აუდიტორული დასკვნის გაცემა (მაქს. 125 ცალი აუდიტორული დასკვნა) – ანუ შესაძლოა მიმწოდებელს მოუწიოს გამგზავრება მაქსიმუმ 125 ობიექტზე. აღნიშნულთან მიმართებაში საგულისხმოა, რომ მიმწოდებლის მიერ ყოველ ჯერზე კონკრეტულ სატელევიზიო სადგურთან (ან/და ტერიტორიულ ერთეულთან) მიმართებაში მიმწოდებლის მიერ წარმოდგენილი აუდიტორული დასკვნა უნდა მოიცავდეს აღნიშნულ ობიექტზე არსებული ყველა იმ ქონების შეფასებას (დეტალური შეფასება შესაბამისი ერთეულის ღირებულებების მითითებით), რომლებიც მოთხოვნილია შემსყიდველის წერილობითი მიმართვით, ანუ ცალკეულ ობიექტზე არსებული ყველა ძირითადი საშუალების ჩამოწერა უნდა აისახოს ერთ დასკვნაში. შესაბამისად, ამგვარ აუდიტორულ დასკვნებში შეფასების ობიექტთა რაოდენობა არ არის ლიმიტირებული. (მაგ: შემსყიდველის შესაბამისი წერილობითი შეტყობინების ფარგლებში, რომელიმე კონკრეტულ ობიექტზე – ქვორის სატელევიზიო სადგურზე, შესაძლოა შესაფასებელი იყოს 35 ერთეული სხვადასხვა დასახელების საქონელი, შესაბამისად მიმწოდებლის მიერ უნდა მომზადდეს არა 35 აუდიტორული დასკვნა, არამედ ერთი აუდიტორული დასკვნა, რომელიც მოიცავს 35 სხვადასხვა დასახელების საქონლის დეტალურ ცალკეულ შეფასებას შესაბამისი ღირებულებების ცალ-ცალკე

მოითხოვით: აქვე საგულისხმოა, რომ მიმწოდებელი უფლებამოსილია აუდიტორული დასკვნები განაცადკავოს მხოლოდ (ცალ-ცალკე აუდიტორული დასკვნები წარმოადგინოს) სატელევიზიო სადგურების ტერიტორიული დაშორებულობის გათვალისწინებით (მაგ: შემსყიდველის წერილობითი მოთხოვნა შესაძლოა მოიცავდეს აუდიტორული დასკვნების წარმოდგენის ვალდებულებას როგორც გორის სატელევიზიო სადგურთან მიმართებაში (სადგურზე არსებული პირობითად 35 ერთეული სხვადასხვა დასახელების საქონლის შეფასების შესახებ) და ასევე ქუთაისის სატელევიზიო სადგურთან მიმართებაში (სადგურზე არსებული პირობითად 50 ერთეული სხვადასხვა დასახელების საქონლის შეფასების შესახებ). ამ შემთხვევაში მომწოდებელი წარმოადგენს 2 აუდიტორულ დასკვნას (ერთი გორის სადგურთან მიმართებაში, ხოლო მეორე ქუთაისის სადგურთან მიმართებაში). თითოეული დასკვნა უნდა მოიცავდეს კონკრეტულ ობიექტზე არსებული სხვადასხვა დასახელების საქონლის დეტალურ ცალკეულ შეფასებას შესაბამისი ღირებულების ცალ-ცალკე მოითხოვით; საგულისხმოა, რომ მხოლოდ კაპიტალ-ცვლილებასთან დაკავშირებული აუდიტორული დასკვნები შეიძლება მოიცავდეს სხვადასხვა ობიექტებს ერთ დასკვნაში, კერძოდ მომზადებული ერთეული აუდიტორული დასკვნა, უნდა აერთიანებდეს იმ ეტაპზე კაპიტალში შესატან ყველა ქონებას – (მაგ: მიწის ნაკვეთი აჭარაში, ასევე მიწის ნაკვეთი კახეთში, შენობა-ნაგებობა, იმერეთში და ა.შ. ერთ აუდიტორულ დასკვნაში);

2.3 პრეტენდენტის სატენდერო წინადადების შედგენისათვის (შესაბამისი მომსახურების ღირებულების გაანგარიშების მიზნით) აუცილებელი ინფორმაცია:

- შ.პ.ს. “საქართველოს ტელერადიოცენტრი“-ს შესახებ – **შემსყიდველის წლიური ბრუნვა შეადგენს დაახლოებით 5000000 (ხუთი მილიონი) ლარს.**
- შემსყიდველის კუთვნილი ქონება (სატელევიზიო სადგურები – ტელე და რადიო ანძები, მათი შენობა ნაგებობები და შესაბამისი მიწები) მდებარეობს საქართველოს სხვადასხვა რეგიონებში, ძირითადად მაღალმთიან და დასახლებული პუნქტებიდან მოშორებით არსებულ ტერიტორიაზე. შესაბამისად, 2.2. პუნქტის “გ” ქვეპუნქტით გათვალისწინებული მომსახურების გაწვევისათვის აუცილებელი იქნება მიმწოდებლის კონკრეტულ ადგილზე გამგზავრება (მიმწოდებლის ხარჯით) მომსახურების სრულფასოვნად გაწვევის მიზნით, ამასთან, საგულისხმოა, რომ 2.2. პუნქტის “გ” ქვეპუნქტით გათვალისწინებული მომსახურების მიწოდებისათვის მიმწოდებლის გამგზავრება კონკრეტულ ადგილას შეიძლება გახდეს აუცილებელი არაუმეტეს 125 ობიექტზე საქართველოს სხვადასხვა რეგიონებში;

2.4 ამ სატენდერო დოკუმენტაციით განსაზღვრული მომსახურების გაწევა უნდა განხორციელდეს ქვემოთმოცემული მოთხოვნების დაცვით:

- ფინანსური ანგარიშგება, საქართველოს კანონმდებლობის თანახმად, მომზადებული უნდა იქნეს ფინანსური აღრიცხვის საერთაშორისო სტანდარტების (IFRS) მიხედვით და ბუღალტრული აღრიცხვის საერთაშორისო სტანდარტების (IAS) მიხედვით;
- ფინანსური ანგარიშგება უნდა მომზადდეს ქართულ ენაზე;

2.5 პრეტენდენტი უნდა აკმაყოფილებდეს ამ პუნქტში მოცემულ ტექნიკურ და საკვალიფიკაციო მოთხოვნებს. აღნიშნული მოთხოვნების დამადასტურებელი დოკუმენტაცია პრეტენდენტმა უნდა ატვიროს სისტემაში სატენდერო წინადადებასთან ერთად:

- პრეტენდენტს უნდა გააჩნდეს საქართველოს პარლამენტთან არსებული აუდიტორული საკმიანობის საბჭოს აუდიტორებისა და აუდიტორული ფირმების ერთიან სახელმწიფო რეესტრში რეგისტრაციის სერთიფიკატი ან შესაბამისი ცნობა;

- პრეტენდენტს უნდა გააჩნდეს საქართველოს ფინანსთა სამინისტროს სისტემაში შემაგალი სახელმწიფო საქვეუწყებო დაწესებულების “ბუღალტრული აღრიცხვის, ანგარიშგებისა და აუდიტის ზედამხედველობის სამსახური”-ს მიერ მინიჭებული დროებითი უფლებამოსილება;
- პრეტენდენტს უნდა გააჩნდეს მინიმუმ ერთ თანამშრომელზე (რომელიც უშუალოდ შეასრულებს ამ სატენდერო დოკუმენტაციით განსაზღვრულ მომსახურებას) სსიპ “საჯარო აუდიტის ინსტიტუტი”-ს მიერ გაცემული სერთიფიკატი, რომლითაც დასტურდება, რომ სერთიფიცირებულმა აუდიტორმა წარმატებით გაიარა სერთიფიცირება და მოიპოვა საჯარო სექტორში აუდიტორული მომსახურების გაწევის უფლება.
- პრეტენდენტს უნდა გააჩნდეს წლიურად არანაკლებ 3 500 000 (სამომილიონ ხუთასათასი) ლარის ბრუნვის მქონე სახელმწიფო 50%-იანი ან მეტი წილობრივი მონაწილეობით დაფუძნებულ საწარმოში ან/და საჯარო სამართლის იურიდიულ პირებში ან/და ააიპ-ში ან/და სახელმწიფო ორგანოში აუდიტორული მომსახურების გაწევის გამოცდილება, კერძოდ ამ სატენდერო დოკუმენტაციის 2.2. პუნქტის რომელიმე ქვეპუნქტით გათვალისწინებული მომსახურების გამოცდილება;

2.6 შესყიდვის ობიექტის მიწოდება (მომსახურების გაწევა) უნდა განხორციელდეს შემდეგ ვადებში:

- ა) 2.2. პუნქტის “ა”-ქვეპუნქტით განსაზღვრული მომსახურების გაწევა უნდა განხორციელდეს არაუგვიანეს 2017 წლის 31 მაისისა;
- ბ) 2.2. პუნქტის “ბ”-ქვეპუნქტით განსაზღვრული მომსახურების გაწევა უნდა განხორციელდეს არაუგვიანეს 2017 წლის 27 მარტისა;
- გ) 2.2. პუნქტის “გ”-ქვეპუნქტით განსაზღვრული მომსახურების გაწევა განხორციელდება, ამგვარი მომსახურების გაწევის აუცილებლობის წარმოშობის შესახებ შემსყიდველის წერილობითი მოთხოვნის შესაბამისად, ამგვარი მოთხოვნის გაკეთებიდან არაუგვიანეს 15 სამუშაო დღისა. *(მიმწოდებლის ელ.ფოსტაზე გაგზავნილი წერილობითი დასკანერებული PDF მოთხოვნა ჩაითვლება ამ ხელშეკრულებით განსაზღვრული მიზნებისათვის სრულფასოვან წერილობით მოთხოვნად).*

შენიშვნა: შემსყიდველის მოთხოვნების ფარგლებში შესყიდვის ობიექტის მიწოდების საბოლოო ვადა არაუგვიანეს 2017 წლის 31 დეკემბერს.

2.7 შესყიდვის ობიექტი მიწოდებულად (მომსახურება გაწეულად) ჩაითვლება მხოლოდ შესაბამისი მიღება-ჩაბარების აქტის გაფორმების შემდგომ, რომლის საფუძველია ქვემოთმოცემული დოკუმენტაცია. ამ პუნქტით გათვალისწინებული დოკუმენტების წარმოდგენის ადგილია: ქთბილისი, მთაწმინდა, ფუნიკულიორის ზედა პლატო, შ.პ.ს. “საქართველოს ტელერადიოცენტრი”-ს სათავო ოფისი.

- სატენდერო დოკუმენტაციის 2.2. პუნქტის “ა”-ქვეპუნქტით განსაზღვრული მომსახურების გაწევის დამადასტურებელი აუდიტორული დასკვნა (2 ეგზემპლარი) და თანდართული ფინანსური ანგარიშგების უწყისები;
- სატენდერო დოკუმენტაციის 2.2. პუნქტის “ბ”-ქვეპუნქტით განსაზღვრული მომსახურების გაწევის დამადასტურებელი აუდიტორული დასკვნა (2 ეგზემპლარი);
- სატენდერო დოკუმენტაციის 2.2. პუნქტის “გ”-ქვეპუნქტით განსაზღვრული მომსახურების გაწევის დამადასტურებელი აუდიტორული დასკვნა (2 ეგზემპლარი) თითოეულ კონკრეტულ შემთხვევაში;

2.8 ანგარიშსწორება მოხდება უნაძლო ანგარიშსწორებით, მიმწოდებლის საბანკო ანგარიშზე თანხის გადარიცხვით, მიმწოდებლის მიერ გაწეული მომსახურების შესაბამისად შექმნილი დოკუმენტის (აუდიტორული დასკვნის), შესაბამისი მიღება-ჩაბარების აქტისა და ანგარიშ-ფაქტურის (თუ მიმწოდებელი არის დღგ-ს გადამხდელი) წარმოდგენის შემდეგ, მათი წარმოდგენიდან 10 დღის განმავლობაში. შემოთადნინებული დოკუმენტების წარმოდგენის ადგილია: ქთბილისი, მთაწმინდა, ფუნიკულიორის ზედა პლატო, შ.პ.ს. “საქართველოს ტელერადიოცენტრი”-ს სათავო ოფისი.

- 2.9 ზემოთაღნიშნული 2.7. და 2.8. პუნქტით გათვალისწინებული დოკუმენტისა და ვადების დაცვის გათვალისწინებით, 2.2. პუნქტის “ა” ქვეპუნქტით განსაზღვრული მომსახურების დასრულების შემდგომ გადაიხდება ფასების ცხრილში ამ ქვეპუნქტისათვის განსაზღვრული თანხა სრულად (ერთჯერადად), 2.2. პუნქტის “ბ” ქვეპუნქტით განსაზღვრული მომსახურების დასრულების შემდგომ გადაიხდება ფასების ცხრილში ამ ქვეპუნქტისათვის განსაზღვრული თანხა სრულად (ერთჯერადად), ხოლო 2.2. პუნქტის “გ” ქვეპუნქტით განსაზღვრული მომსახურების ყოველი ერთეული აუდიტორული დასკვნის მომზადების შემდგომ გადაიხდება ფასების ცხრილში ამ ქვეპუნქტით გათვალისწინებული ერთეული აუდიტორული დასკვნის შესაბამისი ღირებულება.
- 2.10 წინასწარი ანგარიშსწორების პირობა არ განიხილება. **არ განიხილება ასევე სატენდერო დოკუმენტაციაში დადგენილი გადახდის წესისაგან განსხვავებული პერიოდულობით გადახდა (მაგ. ეტაპობრივი გადახდა ან/და სხვა);**
- 2.11 მიმწოდებელი ვალდებულია მოახსენოს შემსყიდველს გამოვლენილი საბუღალტრო ან/და საგადასახადო ხასიათის პრობლემების შესახებ და გაუწიოს სათანადო კონსულტაციები მათ აღმოსაფხვრელად. ამასთან, იგი პასუხისმგებელია მის მიერ გაწეულ მომსახურებაზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას შეიძლება მიადგეს მომსახურების უხარისხოდ ან არაჯეროვნად გაწევის შემთხვევაში.
- 2.12 შესყიდვის ობიექტის შესყიდვის დაფინანსების წყაროა შემსყიდველის 2017 წლის სახსრები – საკუთარი შემოსავლები;
- 2.13 სატენდერო განცხადებით გათვალისწინებულია წინადადების ფასის წარმოდგენა დღგ-ს გარეშე. შესაბამისად “გამარტივებული ელექტრონული ტენდერისა და ელექტრონული ტენდერის ჩატარების წესის” მე-10 მუხლის მე-5 პუნქტის შესაბამისად, სატენდერო წინადადების ფასი (ასევე ერთეულის ფასებიც) წარმოდგენილი უნდა იქნას დღგ-ს გარეშე (მიუხედავად იმისა არის თუ არა პრეტენდენტი დღგ-ს გადამხდელი საქართველოს კანონმდებლობის შესაბამისად), ხოლო შემდგომ, გამარჯვებულ პრეტენდენტთან ხელშეკრულების დადებისას ხელშეკრულების ღირებულებაში შემსყიდველის მიერ გათვალისწინებული იქნება სატენდერო წინადადების ფასის შესაბამისი დღგ-ს ოდენობა, თუ ხელშეკრულების დადების მომენტისათვის გამარჯვებული პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად.
- 2.14 იმ შემთხვევაში, თუ ტენდერში გაიმარჯვებს მიმწოდებელი, რომელიც არ არის დღგ-ს გადამხდელი ხელშეკრულების დადების მომენტისათვის, და შემდგომ – ხელშეკრულების მოქმედების პერიოდში იგი გახდება დღგ-ს გადამხდელი, სახელშეკრულებო ღირებულება აღარ გაიზრდება, ვინაიდან “გამარტივებული ელექტრონული ტენდერისა და ელექტრონული ტენდერის ჩატარების წესის” მე-10 მუხლის მე-5 პუნქტი იძლევა სახელშეკრულებო ღირებულების გაზრდის საშუალებას მხოლოდ ხელშეკრულების დადებისას.
- 2.15 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. უცხოენოვან დოკუმენტსა და მის ქართულ ენაზე შესრულებულ თარგმანს შორის შეუსაბამობის შემთხვევაში, პრიორიტეტი მიენიჭება ქართულ ვარიანტს.
- 2.16 წინასწარი ანგარიშსწორების პირობა არ განიხილება.
- 2.17 ხელშეკრულების უზრუნველყოფის საბანკო გარანტია არ მოითხოვება.

2.18 პრეტენდენტს არ აქვს უფლება წარმოადგინოს ალტერნატიული წინადადება.

2.19 ტექნიკური დოკუმენტაციის მე-3 თავში წარმოდგენილია გამარჯვებულ პრეტენდენტთან დასაბუთებული ხელშეკრულების პროექტი, რომელიც შეიცავს იმ აუცილებელ პირობებს, რომლებიც შემსყიდველისათვის წინასწარ არის ცნობილი. ამდენად, პრეტენდენტის გამარჯვების შემდეგ, ხელშეკრულების დადებისას წარმოდგენილი ხელშეკრულებიდან რაიმე პუნქტის ამოღება/შეცვლა (რაც არსებით გააღვანას მოახდენს ხელშეკრულების შინაარსზე) დაუშვებელია; თუმცა მხოლოდ შემსყიდველისა და გამარჯვებული პრეტენდენტის ურთიერთშეთანხმებით დასაშვებია ნებისმიერი იმგვარი პუნქტის/დებულების/ჩანაწერის დამატება, რომელიც არ ეწინააღმდეგება უკვე წარმოდგენილი ხელშეკრულების პუნქტებს და ემსახურება ხელშეკრულების დებულებების მკაფიო განსაზღვრას/დაზუსტებას/დახვეწას.

2.20 სსიპ “სახელმწიფო შესყიდვების სააგენტოს”-ს თავმჯდომარის “გამარტივებული ელექტრონული ტენდერისა და ელექტრონული ტენდერის ჩატარების წესის” მე-11 მუხლის მე-21 პუნქტის თანახმად, ტენდერში ყველაზე დაბალი ფასის წინადადების მქონე პრეტენდენტს ექმნება ფასთწარმოქმნის ადეკვატურობის დასაბუთების ვალდებულება შემდეგ შემთხვევაში: იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. შემსყიდველი ორგანიზაცია პრეტენდენტისაგან ითხოვს ფასთწარმოქმნის ადეკვატურობის დასაბუთებას. ფასთწარმოქმნის ადეკვატურობა, შესაძლებელია დასაბუთდეს: სსიპ “ლევან სამხარაულის სახელობის სასამართლო ექსპერტიზის ეროვნული ბიუროს ან/და სხვა აკრედიტებული საექსპერტო დაწესებულების (ასეთ შემთხვევაში წარმოდგენილი უნდა იქნეს აკრედიტაციის დამდასტურებელი დოკუმენტი) დასკვნის საფუძველზე ან/და მიმწოდებლის მიერ (სატენდერო დოკუმენტაციის 2.2 პუნქტში ჩამოთვლილი “ა“-“ბ“-“გ“ ქვეპუნქტებით გათვალისწინებული მომსახურებები) ანალოგიურ მომსახურებაზე დადებული ხელშეკრულებითა და შესაბამისი მიღება-ჩაბარების აქტების წარმოდგენით, თუმცა იმის აუცილებელი გათვალისწინებით, რომ ამგვარ ხელშეკრულებებში სახელშეკრულებო ღირებულების და შემსყიდველი ორგანიზაციის წლიური ბრუნვის თანაფარდობა არ უნდა იყოს მიმდინარე ტენდერში ელვაჭრობის შედეგად დაფიქსირებულ ანალოგიურ მაჩვენებელზე (თანაფარდობაზე) მეტი. აღნიშნულით დადასტურებული იქნება პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასთწარმოქმნის ადეკვატურობის დასაბუთებაზე ვრცელდება “გამარტივებული ელექტრონული ტენდერისა და ელექტრონული ტენდერის ჩატარების წესის” მე-12 მუხლის მე-11-მე-14 პუნქტებით განსაზღვრული წესები.

2.21 სატენდერო დოკუმენტაციის 2.17. პუნქტის ფარგლებში, ფასთწარმოქმნის ადეკვატურობის დამადასტურებელი დოკუმენტაციის წარმოსადგენად, პრეტენდენტს განსაზღვრება სატენდერო კომისიის მიერ შესაბამისი ვადა არაუმეტეს 5 სამუშაო დღის ოდენობით; ხოლო ამგვარი დოკუმენტების წარმოდგენის მიზნით გათვალისწინებული მოთხოვნა პრეტენდენტის მიმართ განხორციელდება სატენდერო კომისიის შესაბამისი ოქმის ფარგლებში, „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-5 პუნქტით განსაზღვრულ ვადებში, თუმცა არაუადრეს 2 სამუშაო დღისა ელვაჭრობის დასრულებიდან.

2.22 სატენდერო წინადადებაში პრეტენდენტმა უნდა წარმოადგინოს (სისტემაში ატვირთოს) შემდეგი ინფორმაცია და დოკუმენტაცია:

- პრეტენდენტმა უნდა წარმოადგინოს რეკვიზიტები დანართი №1-ის შესაბამისად.
- პრეტენდენტმა უნდა წარმოადგინოს ფასების ცხრილი დანართი №2-ის შესაბამისად.
- პრეტენდენტმა უნდა აღნიშნოს/დააფიქსიროს არის თუ არა იგი დღგ-ს გადამხდელი. ამასთან, თუ პრეტენდენტი რეგისტრირებულია დღგ-ს გადამხდელად, მაშინ 2.22. პუნქტში აღნიშნულ დოკუმენტაციასთან

ერთად სისტემაში უნდა ატვირთოს დღგ-ს გადამხდელად რეგისტრაციის მოწმობა ან შესაბამისი ცნობა შემოსავლების სამსახურიდან.

- ამ სატენდერო დოკუმენტაციის 2.5. პუნქტის ფარგლებში მოთხოვნილი დოკუმენტაციის არსებობის დასტურად, პრეტენდენტმა სატენდერო წინადადებასთან ერთად სისტემაში უნდა ატვირთოს:
 - საქართველოს პარლამენტთან არსებული აუდიტორული საქმიანობის საბჭოს აუდიტორებისა და აუდიტორული ფირმების ერთიან სახელმწიფო რეესტრში რეგისტრაციის სერთიფიკატი ან შესაბამისი ცნობა;
 - საქართველოს ფინანსთა სამინისტროს სისტემაში შემაჯავლი სახელმწიფო საქვეუწყებო დაწესებულებების “ბუღალტრული აღრიცხვის, ანგარიშგებისა და აუდიტის ზედამხედველობის სამსახური”-ს მიერ მინიჭებული დროებითი უფლებამოსილების დამადასტურებელი შესაბამისი დოკუმენტი;
 - მინიმუმ ერთ თანამშრომელზე (რომელიც უშუალოდ შეასრულებს ამ სატენდერო დოკუმენტაციით განსაზღვრულ მომსახურებას) სსიპ “საჯარო აუდიტის ინსტიტუტი”-ს მიერ გაცემული სერთიფიკატი, რომლითაც დასტურდება, რომ სერთიფიცირებულმა აუდიტორმა წარმატებით გაიარა სერთიფიცირება და მოიპოვა საჯარო სექტორში აუდიტორული მომსახურების გაწევის უფლება. ამასთანავე, ამ პუნქტის მიზნებისათვის, პრეტენდენტმა დამატებით უნდა ატვირთოს ამგვარი სერთიფიკატის მქონე თანამშრომელთან შრომითი ურთიერთობის ამსახველი დოკუმენტი (ხელშეკრულება ან/და ბრძანება ან/და სხვა), რომლითაც დასტურდება რომ ამ ტენდერით განსაზღვრული მომსახურების გაწევის ვადა არ აღემატება კონკრეტული პირის პრეტენდენტთან მუშაობის დაგეგმილ ხანგძლივობას.
 - წლიურად არანაკლებ 3500000 (სამიმილიონ ხუთასიათასი) ლარის ბრუნვის მქონე სახელმწიფო 50%-იანი ან მეტი წილობრივი მონაწილეობით დაფუძნებულ საწარმოში ან/და საჯარო სამართლის იურიდიულ პირებში ან/და “ააიპ”-ში ან/და სახელმწიფო ორგანოში აუდიტორული მომსახურების გაწევის გამოცდილების დამადასტურებელი დოკუმენტაცია (ხელშეკრულება და მისი შესრულების დამადასტურებელი შესაბამისი მიღება-ჩაბარების აქტები). თუ ამგვარი მომსახურების ამსახველი დოკუმენტაცია ატვირთულია შესყიდვების ელექტრონულ სისტემაში, მაშინ საკმარისია პრეტენდენტმა მიუთითოს მხოლოდ შესაბამისი SPA/CRM ნომრები;

3. სახელმწიფო შესყიდვის შესახებ ხელშეკრულების პროექტი

ხელშეკრულება

სახელმწიფო შესყიდვის შესახებ №

ქ.თბილისი

“_____” _____ 2017 წ.

ერთის მხრივ, შ.პ.ს. “საქართველოს ტელერადიოცენტრი” (შემდეგ – “შემსყიდველი”) წარმოდგენილი მისი დირექტორის გიორგი დეკანოსიძის სახით და მეორეს მხრივ, _____ (შემდგომში – “მიმწოდებელი”) წარმოდგენილი მისი _____ სახით, “სახელმწიფო შესყიდვების შესახებ” საქართველოს კანონის და აუდიტორული მომსახურების სახელმწიფო შესყიდვის მიზნით №SPA----- გამარტივებული ელექტრონული ტენდერის ჩატარების შედეგად, პრეტენდენტის (----- -) მიერ წარმოდგენილი სატენდერო წინადადების საფუძველზე, ვდებთ წინამდებარე სახელმწიფო შესყიდვის შესახებ ხელშეკრულებას.

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

“ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) – “სახელმწიფო შესყიდვების შესახებ” საქართველოს კანონის ფარგლებში შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

“შემსყიდველი” – ორგანიზაცია (საწარმო), რომელიც ახორციელებს შესყიდვას.

“მიმწოდებელი” – პირს, რომელიც ახორციელებს მომსახურებას ხელშეკრულების ფარგლებში.

“ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

“დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების საგანი

2.1. ხელშეკრულების საგანია გამარტივებული ელექტრონული ტენდერის საშუალებით აუდიტორული მომსახურების შესყიდვა წინამდებარე ხელშეკრულებით და მისი დანართებით გათვალისწინებული პირობების შესაბამისად. (CPV კოდი – 79200000 საბუღალტრო, აუდიტორული და ფისკალური მომსახურებები, კერძოდ დეტალური CPV კოდი – 79212000 აუდიტორული მომსახურებები).

2.2 შესყიდვის ობიექტი მოიცავს შემდეგი სახის აუდიტორულ მომსახურებებს:

- ა) 2016 წლის ბუღალტრული ანგარიშგების ფინანსური აუდიტი, რაც თავის მხრივ მოიცავს შ.პ.ს. “საქართველოს ტელერადიოცენტრი”-ს ფინანსური უწყისების შემოწმება-შეფასებას (მათ შორის აღმოჩენილი შეცდომების გასწორება), მათი განმარტებების ფორმირებას, აღრიცხვის უტყუარობის შემოწმებას და დამოუკიდებელი აუდიტორის მოსაზრების დაფიქსირების დაფიქსირებას. აღნიშნულის ფარგლებში მიმწოდებელმა უნდა მოამზადოს და შემსყიდველს გადასცეს შესაბამისი აუდიტორული დასკვნა (2 ეგ ზემოთხსენებული);
- ბ) 2016 წლის ბუღალტრული ანგარიშგების საგადასახადო აუდიტი, რაც თავის მხრივ მოიცავს შ.პ.ს. “საქართველოს ტელერადიოცენტრი”-ს მიერ მომზადებული და საგადასახადო ორგანოებში წარდგენილი საგადასახადო დეკლარაციების შემოწმება-შეფასებას (მათ შორის აღმოჩენილი შეცდომების გასწორება), დასაბეგრი ბაზისა და გადასახადების ოდენობის შემოწმებას, ასევე საგადასახადო რისკების შეფასებას

და რეკომენდაციების გაცემას. აღნიშნულის ფარგლებში მიმწოდებელმა უნდა მოამზადოს და შემსყიდველს გადასცეს შესაბამისი აუდიტორული დასკვნა (2 ეგზემპლარი);

- გ) შემსყიდველი საწარმოს კაპიტალში ცვლილებების განხორციელების (მათ შორის სახელმწიფო ან/და მესამე პირის საკუთრებაში არსებული ქონების შეფასება და შემდგომში კაპიტალში შეტანა), ქონების სარგებლობაში გადაცემის/გადმოცემის, რეალიზაციის, ასევე ჩამოსაწერი და საექსპლუატაციოდ უვარგისი ძირითადი საშუალებების შეფასება სარეალიზაციოდ ან გასანადგურებლად მომზადების მიზნით, პროცესის აუდიტორული მომსახურება და შესაბამისი აუდიტორული დასკვნის გაცემა (ქონების შეფასების აუდიტი). ამ მომსახურების განხორციელება დამოკიდებულია შემსყიდველ საწარმოში მხოლოდ შესაბამისი აუცილებლობის წარმოშობაზე და შესაბამისად, არ არის ფიქსირებული ამგვარი მომსახურების რაოდენობა და პერიოდულობა, თუმცა ფაქტიური მდგომარეობიდან და გასული წლების ანალოგიური მონაცემებიდან გამომდინარე, ამ პუნქტით გათვალისწინებული მომსახურება განხორციელდება არაუმეტეს 125-ჯერ და თითოეულ შემთხვევაში საჭირო იქნება შესაბამისი აუდიტორული დასკვნის გაცემა (მაქს. 125 ცალი აუდიტორული დასკვნა) – ანუ შესაძლოა მიმწოდებელს მოუწიოს გამგზავრება მაქსიმუმ 125 ობიექტზე. აღნიშნულთან მიმართებაში საგულისხმოა, რომ მიმწოდებლის მიერ ყოველ ჯერზე კონკრეტულ სატელევიზიო სადგურთან (ან/და ტერიტორიულ ერთეულთან) მიმართებაში მიმწოდებლის მიერ წარმოდგენილი აუდიტორული დასკვნა უნდა მოიცავდეს აღნიშნულ ობიექტზე არსებული ყველა იმ ქონების შეფასებას (დეტალური შეფასება შესაბამისი ერთეულის ღირებულებების მითითებით), რომლებიც მოთხოვნილია შემსყიდველის წერილობითი მიმართვით, ანუ ცალკეულ ობიექტზე არსებული ყველა ძირითადი საშუალების ჩამოწერა უნდა აისახოს ერთ დასკვნაში. შესაბამისად, ამგვარ აუდიტორულ დასკვნებში შეფასების ობიექტთა რაოდენობა არ არის ლიმიტირებული. (მაგ: შემსყიდველის შესაბამისი წერილობითი შეტყობინების ფარგლებში, რომელიმე კონკრეტულ ობიექტზე – ქვორის სატელევიზიო სადგურზე, შესაძლოა შესაფასებელი იყოს 35 ერთეული სხვადასხვა დასახელების საქონელი. შესაბამისად მიმწოდებლის მიერ უნდა მომზადდეს არა 35 აუდიტორული დასკვნა, არამედ ერთი აუდიტორული დასკვნა, რომელიც მოიცავს 35 სხვადასხვა დასახელების საქონლის დეტალურ ცალკეულ შეფასებას შესაბამისი ღირებულების ცალ-ცალკე მითითებით); აქვე საგულისხმოა, რომ მიმწოდებელი უფლებამოსილია აუდიტორული დასკვნები განაცალკავოს მხოლოდ (ცალ-ცალკე აუდიტორული დასკვნები წარმოადგინოს) სატელევიზიო სადგურების ტერიტორიული დაშორებულობის გათვალისწინებით (მაგ: შემსყიდველის წერილობითი მოთხოვნა შესაძლოა მოიცავდეს აუდიტორული დასკვნების წარმოდგენის ვალდებულებას როგორც გორის სატელევიზიო სადგურთან მიმართებაში (სადგურზე არსებული პირობითად 35 ერთეული სხვადასხვა დასახელების საქონლის შეფასების შესახებ) და ასევე ქუთაისის სატელევიზიო სადგურთან მიმართებაში (სადგურზე არსებული პირობითად 50 ერთეული სხვადასხვა დასახელების საქონლის შეფასების შესახებ). ამ შემთხვევაში მომწოდებელი წარმოადგენს 2 აუდიტორულ დასკვნას (ერთი გორის სადგურთან მიმართებაში, ხოლო მეორე ქუთაისის სადგურთან მიმართებაში). თითოეული დასკვნა უნდა მოიცავდეს კონკრეტულ ობიექტზე არსებული სხვადასხვა დასახელების საქონლის დეტალურ ცალკეულ შეფასებას შესაბამისი ღირებულების ცალ-ცალკე მითითებით); საგულისხმოა, რომ მხოლოდ კაპიტალ-ცვლილებასთან დაკავშირებული აუდიტორული დასკვნები შეიძლება მოიცავდეს სხვადასხვა ობიექტებს ერთ დასკვნაში, კერძოდ მომზადებული ერთეული აუდიტორული დასკვნა, უნდა აერთიანებდეს იმ ეტაპზე კაპიტალში შესატან ყველა ქონებას – (მაგ: მიწის ნაკვეთი აჭარაში, ასევე მიწის ნაკვეთი კახეთში, შენობა-ნაგებობა, იმერეთში და ა.შ. ერთ აუდიტორულ დასკვნაში);

- 2.3 შესყიდვის ობიექტთან დაკავშირებული ინფორმაცია და დეტალური განფასება მოცემულია წინამდებარე ხელშეკრულების დანართებში (დანართი №1 – სატენერო დოკუმენტაციის მე-2 თავი “ტექნიკური დავალება” და დანართი №2 – ----- ის სატენდერო წინადადება), რომლებიც წარმოადგენენ ხელშეკრულების განუყოფელ ნაწილს.

3. ხელშეკრულების ღირებულება

- 3.1 შესყიდვის ობიექტის (გასაწვეი მომსახურების) საერთო სავარაუდო ღირებულება განისაზღვრება ლარში, შეადგენს ----- (-----) ლარს და მოიცავს შესყიდვის ობიექტის მიწოდებასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა გადასახადს, რომლის გადახდაც ეკისრება მიმწოდებელს, (დღგ-ს გარეშე/დღგ-ს ჩათვლით).
- 3.2 საერთო სავარაუდო ღირებულება შედგება:
- ა) ამ ხელშეკრულების 2.2. პუნქტის “ა” ქვეპუნქტის ნაწილში: ----- ლარი; (დღგ-ს გარეშე/დღგ-ს ჩათვლით).
 - ბ) ამ ხელშეკრულების 2.2. პუნქტის “ბ” ქვეპუნქტის ნაწილში: ----- ლარი; (დღგ-ს გარეშე/დღგ-ს ჩათვლით).
 - გ) ამ ხელშეკრულების 2.2. პუნქტის “გ” ქვეპუნქტის ნაწილში: არაუმეტეს ----- ლარი; ამ ნაწილში ერთეული აუდიტორული დაკენის ღირებულებაა ----- ლარი; (დღგ-ს გარეშე/დღგ-ს ჩათვლით).
- 3.3 ხელშეკრულების საერთო სავარაუდო ღირებულება შეიძლება შემცირდეს ფაქტობრივად გაწეული მომსახურების მიხედვით, რაც დამოკიდებულია შემსყიდველის მოთხოვნაზე ამ ხელშეკრულების 2.2. პუნქტის “გ” ქვეპუნქტით გათვალისწინებული მომსახურების გაწევის სისშირესა და მოცულობასთან მიმართებაში.
- 3.4 წინამდებარე ხელშეკრულების ღირებულების დაფინანსების წყაროა შემსყიდველის 2017 წლის შემოსავლები – საკუთარი სახსრები.

4. მხარეთა უფლება-მოვალეობანი

- 4.1 მიმწოდებელი ვალდებულია ამ ხელშეკრულებით დადგენილ ვადებში განახორციელოს ხელშეკრულებით განსაზღვრული მომსახურების გაწევა. იგი პასუხისმგებელია გაწეული მომსახურების ხარისხსა და ვარგისიანობაზე.
- 4.2 შემსყიდველი უფლებამოსილია უარი განაცხადოს არაკვალიფიციური, არასრული და უხარისხო მომსახურების მიღებაზე.
- 4.3 შემსყიდველს უფლება აქვს შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
- 4.4 შემსყიდველი ვალდებულია უზრუნველყოს აუდიტორისათვის აუდიტის განსახორციელებლად საჭირო სრულყოფილი დოკუმენტაციისა და მონაცემების დროული გადაცემა, რომელიც შეეხება აუდიტის საგანს, მისცეს აუდიტორს აუდიტის საგანზე ნებისმიერი საჭირო განმარტება ზეპირი ან წერილობითი ფორმით.
- 4.5 შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.
- 4.6 მიმწოდებელი ვალდებულია კვალიფიციურად მოაწიოს აუდიტორული მომსახურება, წარუდგინოს შემსყიდველს ხელშეკრულებით განსაზღვრულ მომსახურებასთან დაკავშირებული შესაბამისი აუდიტორული დასკვნა და სხვა შესაბამისი დოკუმენტაცია; ასევე, მოახსენოს შემსყიდველს გამოვლენილი საბუღალტრო ან/და საგადასახადო ხასიათის პრობლემების შესახებ და გაუწიოს მას სათანადო კონსულტაციები მათ აღმოსაფხვრელად;
- 4.7 თითოეულ მხარეს უფლება აქვს მოითხოვოს მეორე მხარისაგან ამ ხელშეკრულებით ნაკისრი ვალდებულებების დროულად, ჯეროვნად და კეთილსინდისიერად შესრულება.
- 4.8 თითოეულ მხარეს უფლება აქვს მოითხოვოს და მიიღოს მეორე მხარის მიერ ამ ხელშეკრულებით ნაკისრი ვალდებულებების შეუსრულებლობით, ან მათი არაჯეროვნად, არაკეთილსინდისიერად ან/და არადროულად შესრულებით გამოწვეული ზიანის ანაზღაურება.
- 4.9 თუ სახელმწიფო მაკონტროლებელი ორგანოების მიერ შემსყიდველის სამეურნეო საქმიანობის შემოწმებისას მოხდა მისი (შემსყიდველის) დაჯარიმება მიმწოდებლის მიზეზით, შემსყიდველს უფლება აქვს მოითხოვოს და

სრულად მიიღოს მიმწოდებლისაგან ფაქტიურად მიყენებული ზიანის ანაზღაურება, ხოლო მიმწოდებელი ვალდებულია უპირობოდ აანაზღაუროს მიყენებული ზიანი.

4.10 მიმწოდებლისათვის მიყენებულ ზარალად არ ჩაითვლება გადასახადის დაგვიანებით გადახდისათვის დარიცხული საურავები.

4.11 მიმწოდებლის პასუხისმგებლობის საკითხი არ დგება შემდეგ შემთხვევებში:

- თუ ამ ზარალის თავიდან აცილება შეუძლებელი იყო, ან თუ შემსყიდველი გაფრთხილებული იყო მიმწოდებლის მიერ მოსალოდნელი ზარალის შესახებ;
- თუ ზარალის გამომწვევი მიზეზი გახდა დოკუმენტი ან ფაქტი, რომელიც შემსყიდველის მიერ არ იყო წარდგენილი (შეტყობინებული) მიმწოდებლისათვის ამ ხელშეკრულებით განსაზღვრული მომსახურების განხორციელებისას;
- თუ შემსყიდველისადმი მიყენებული ზარალის ოდენობა მიიჩნევა დასაშვებ ცდომილებად, როგორც ბუნებრივი, მსგავსი სახისა და მოცულობის აუდიტორული მომსახურების შესრულებისას;
- თუ მიმწოდებელი მიიჩნევს დაჯარიმებას არაკანონიერად და მოითხოვს შემსყიდველისაგან მის გასაჩივრებას სასამართლო წესით, სასამართლოს მიერ გადაწყვეტილების გამოტანამდე.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიწოდება (მომსახურების გაწევა) უნდა განხორციელდეს შემდეგ ვადებში:

ა) 2.2. პუნქტის “ა”-ქვეპუნქტით განსაზღვრული მომსახურების გაწევა უნდა განხორციელდეს არაუგვიანეს 2017 წლის 31 მაისისა;

ბ) 2.2. პუნქტის “ბ”-ქვეპუნქტით განსაზღვრული მომსახურების გაწევა უნდა განხორციელდეს არაუგვიანეს 2017 წლის 27 მარტისა;

გ) 2.2. პუნქტის “გ”-ქვეპუნქტით განსაზღვრული მომსახურების გაწევა განხორციელდება, ამგვარი მომსახურების გაწევის აუცილებლობის წარმოშობის შესახებ შემსყიდველის წერილობითი მოთხოვნის შესაბამისად, ამგვარი მოთხოვნის გაკეთებიდან არაუგვიანეს 15 სამუშაო დღისა. *(მიმწოდებლის ელ.ფოსტაზე გავზავნილი წერილობითი დასკანერებული PDF მოთხოვნა ჩაითვლება ამ ხელშეკრულებით განსაზღვრული მიზნებისათვის სრულფასოვან წერილობით მოთხოვნად. მგვარი მოთხოვნის გავზავნილობის გამოყენებული იქნება შემსყიდველის ელ.ფოსტის შემდეგი მისამართები: z.loria@tvrcenter.ge ან/და d.iantbelidze@tvrcenter.ge ან/და m.kavtaradze@tvrcenter.ge).*

5.2 შესყიდვის ობიექტი მიწოდებულად (მომსახურება გაწეულად) ჩაითვლება მხოლოდ შესაბამისი მიღება-ჩაბარების აქტის გაფორმების შემდგომ, რომლის საფუძველია ქვემოთმოცემული დოკუმენტაცია. ამ პუნქტით გათვალისწინებული დოკუმენტების წარმოდგენის ადგილია: ქთბილისი, მთაწმინდა, ფუნიკულორის ზედა პლატო, შ.პ.ს. “საქართველოს ტელერადიოცენტრი”-ს სათავო ოფისი;

- სატენდერო დოკუმენტაციის 2.2. პუნქტის “ა”-ქვეპუნქტით განსაზღვრული მომსახურების გაწევის დამადასტურებელი აუდიტორული დასკვნა (2 ეგზემპლარი) და თანდართული ფინანსური ანგარიშგების უწყისები;
- სატენდერო დოკუმენტაციის 2.2. პუნქტის “ბ”-ქვეპუნქტით განსაზღვრული მომსახურების გაწევის დამადასტურებელი აუდიტორული დასკვნა (2 ეგზემპლარი);
- სატენდერო დოკუმენტაციის 2.2. პუნქტის “გ”-ქვეპუნქტით განსაზღვრული მომსახურების გაწევის დამადასტურებელი აუდიტორული დასკვნა (2 ეგზემპლარი) თითოეულ კონკრეტულ შემთხვევაში;

5.3 შემსყიდველის მოთხოვნების ფარგლებში შესყიდვის ობიექტის მიწოდების საბოლოო ვადა **არაუგვიანეს 2017 წლის 31 დეკემბერი.**

- 5.4 მიწოდების პარალელურად, მიმწოდებელმა უნდა წარმოადგინოს საგადასახადო ანგარიშ-ფაქტურა (ანგარიშ-ფაქტურა შესაძლებელია წარმოდგენილ იქნეს ელექტრონული ფორმით, ამასთან ანგარიშ-ფაქტურის წარმოდგენის მოთხოვნა ვრცელდება მხოლოდ დღგ-ს გადამხდელ მიმწოდებელზე).
- 5.5 საწარმოს ხელმძღვანელების გარდა, მიღება-ჩაბარების აქტის გაფორმებასა და ხელმოწერაზე შემსყიდველის მხრიდან პასუხისმგებელი პირები არიან: შიდა აუდიტის დეპარტამენტის უფროსი ზ.ლორია და მთ.ბუღალტერი დ.იანტბელიძე ან/და დირექტორის სპეციალური ბრძანებით განსაზღვრული სხვა უფლებამოსილი პირი.

6. ხელშეკრულების შესრულების კონტროლი

- 6.1 მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განხორციელებს შემსყიდველი საწარმოს ინსპექტირების ჯგუფი შემდეგ თანამშრომელთა შემადგენლობით: ზ.ლორია, დ.იანტბელიძე, მ.ქავთარაძე.

7. გაწეული მომსახურების ხარისხი და გარანტია

- 7.1 მიმწოდებელი იძლევა გარანტიას, რომ ხელშეკრულების ფარგლებში გაწეული მომსახურება შეესაბამება სატენდერო დოკუმენტაციით, მიმწოდებლის სატენდერო წინადადებით და ამ ხელშეკრულებით განსაზღვრულ მოთხოვნებს. აღნიშნულის დარღვევის შემთხვევაში მიმწოდებელზე გავრცელდება საქართველოს კანონმდებლობით და ამ ხელშეკრულებით გათვალისწინებული პასუხისმგებლობისა და სანქციების საკითხები.

8. ანგარიშსწორება

- 8.1 ანგარიშსწორება მიმწოდებელთან განხორციელდება ლარებში.
- 8.2 ანგარიშსწორება მოხდება მიმწოდებლის მიერ ფაქტიურად გაწეული მომსახურების შესაბამისად შექმნილი დოკუმენტის (აუდიტორული დასკვნის), შესაბამისი მიღება-ჩაბარების აქტისა და ანგარიშ-ფაქტურის (თუ მიმწოდებელი რეგისტრირებულია დღგ-ს გადამხდელად) წარმოდგენის შემდეგ, მათი წარმოდგენიდან 10 დღის განმავლობაში. ამ მუხლით გათვალისწინებული დოკუმენტების წარმოუდგენლობის შემთხვევაში, შემსყიდველი არ მოახდენს ანგარიშსწორებას მიმწოდებელთან.
- 8.3 ზემოთაღნიშნულ 8.2. პუნქტით გათვალისწინებული დოკუმენტისა და ვადების დაცვის გათვალისწინებით:
- 2.2. პუნქტის “ა” ქვეპუნქტით განსაზღვრული მომსახურების დასრულების შემდგომ გადაიხდება ამ ხელშეკრულების 3.2. პუნქტის “ა” ქვეპუნქტით განსაზღვრული თანხა სრულად (ერთჯერადად);
 - 2.2. პუნქტის “ბ” ქვეპუნქტით განსაზღვრული მომსახურების დასრულების შემდგომ გადაიხდება ამ ხელშეკრულების 3.2. პუნქტის “ბ” ქვეპუნქტით განსაზღვრული თანხა სრულად (ერთჯერადად);
 - 2.2. პუნქტის “გ” ქვეპუნქტით განსაზღვრული მომსახურების ყოველი ერთეული აუდიტორული დასკვნის მომზადების შემდგომ გადაიხდება ამ ხელშეკრულების 3.2. პუნქტის “გ” ქვეპუნქტით განსაზღვრული ერთეული აუდიტორული დასკვნის შესაბამისი ღირებულება;
- 8.4 დაუშვებელია 8.2 და/ან 8.3. პუნქტებით დადგენილი ანგარიშსწორების წესისა და პროცედურებისაგან განსხვავებული წესით ანგარიშსწორება (ეტაპობრივად ან/და სხვა წესით).
- 8.5 ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

9. ფასები

- 9.1 წინამდებარე ხელშეკრულების მე-3 მუხლში დაფიქსირებული შესყიდვის ობიექტის (მისაწოდებელი საწონლის) ღირებულება წარმოადგენს ხელშეკრულების ღირებულებით პარამეტრს და მისი შეცვლა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.2 ამ ხელშეკრულების 9.1. პუნქტის შესაბამისად, ღირებულების გაზრდა დასაშვებია მხოლოდ ამ ხელშეკრულების 3.2. პუნქტის “გ” ქვეპუნქტის ნაწილში და ისიც მხოლოდ იმ შემთხვევაში, თუ თუ აუცილებელი ცვლილების ოდენობა მეტია ცვლილების ობიექტის 5%-ზე, ამ შემთხვევაში ცვლილება შესაძლებელია განხორციელდეს მხოლოდ 10%-ის ფარგლებში. ამგვარი ცვლილების აუცილებლობის შემთხვევაში, მიმწოდებელი ვალდებულია ფაქტობრივად (შესაბამისი დოკუმენტების წარმოდგენის აუცილებელი პირობით) დაადასტუროს ფასის გაზრდის საფუძვლის დადგომა. ხელშეკრულების ფასის გაზრდა აუცილებლად უნდა გაფორმდეს დამატებითი შეთანხმების აქტის ფორმით და თან დაერთოს ხელშეკრულებას. ამ მუხლით გათვალისწინებული საფუძვლით ფასის გაზრდის შემთხვევაში, შემსყიდველს უფლება აქვს არ დაეთანხმოს მიმწოდებელს და მოითხოვოს ხელშეკრულების ვადაზე ადრე გაუქმება.
- 9.3 ამ მუხლით გათვალისწინებული საფუძვლით ფასის გაზრდის შემთხვევაში, შემსყიდველს უფლება აქვს არ დაეთანხმოს მიმწოდებელს და მოითხოვოს ხელშეკრულების ვადაზე ადრე გაუქმება, ამასთან უნდა უზრუნველყოს ფაქტიურად მოწოდებული საქონლის შესაბამისი ანგარიშსწორება ამ ხელშეკრულების მე-8 მუხლის შესაბამისად.

10. ხელშეკრულებაში ცვლილებების შეტანა

- 10.1 ხელშეკრულების პირობების გადასინჯვასთან დაკავშირებული ურთიერთობები რეგულირდება საქართველოს სამოქალაქო კოდექსით.
- 10.2 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 10.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 10.5 დაუშვებელია ხელშეკრულების პირობების შეცვლა, თუ ამ ცვლილების შედეგად უარესდება ხელშეკრულების პირობები შემსყიდველი ორგანიზაციისათვის, გარდა ამ ხელშეკრულების მე-9 მუხლით გათვალისწინებული შემთხვევისა.

11. უფლების გადაცემა

- 11.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

12. ფორს-მაჟორი

- 12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

- 12.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.
- 12.3. ფორს-მაჟორული გარემოების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ, ბრალეული გაჭიანურების გარეშე, უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამომწვევი მიზეზების და აღმოფხვრის სავარაუდო ვადის შესახებ (თუ ეს ყოველივე პროგნოზირებადია).
- 12.4. ამ მუხლის შესაბამისად წარმოშობილი ფორს-მაჟორული გარემოებების შემთხვევაში, ხელშეკრულების შესრულების ვადა (ხელშეკრულებით ნაკისრი ვალდებულებების შესრულების ვადა) გადაიწვეს შესაბამისი დროით, გარემოებათა დასრულების შემდეგ.
- 12.5. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 30 კალენდარულ დღეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13. მხარეთა პასუხისმგებლობა ხელშეკრულების პირობების დარღვევისათვის

- 13.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 13.2. თუ ხელშეკრულების რომელიმე მხარე დაარღვევს წინამდებარე ხელშეკრულებით ნაკისრ ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 13.3. ხელშეკრულების მოქმედების პერიოდში მიმწოდებლის მხრიდან მომსახურების გაწევისათვის ამ ხელშეკრულებით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე, ამ კონკრეტული მომსახურებისათვის ხელშეკრულებით განსაზღვრული საერთო თანხის (ხელშეკრულების 3.2. პუნქტის “ა” და/ან “ბ” და/ან “გ” ქვეპუნქტის შესაბამისად) 0,1%-ის ოდენობით.
- 13.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, პირგასამტეხლოს გადახდა განხორციელდება მიმწოდებელზე ხელშეკრულებით გადასახდელი თანხიდან გამოკეტივის საშუალებით.
- 13.5. შემყიდველის მიერ ხელშეკრულების 8.2. პუნქტით გათვალისწინებული ვადის დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე (ხელშეკრულების 3.2. პუნქტის “ა” და/ან “ბ” და/ან “გ” ქვეპუნქტის შესაბამისად) გადაუხდელი თანხის 0,1%-ის ოდენობით.
- 13.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 13.7. იმ შემთხვევაში, თუკი ხელშეკრულების რომელიმე მხარეზე დაკისრებული პირგასამტეხლო გადაატარებს ხელშეკრულების საერთო ღირებულების 3%-ს, მეორე მხარეს უფლება აქვს ცალმხრივად მოითხოვოს ხელშეკრულების მოშლა და მიყენებული ზიანის ანაზღაურება.
- 13.8. ამ ხელშეკრულების მე-14 მუხლის 14.5 პუნქტში მითითებული საფუძვლ(ებ)ით ხელშეკრულების შეწყვეტის შემთხვევაში, მიმწოდებელი ვალდებულია მომსახურების გაუწევლობით, მომსახურების გაწევის ვადის

დარღვევით, უხარისხო ან/და არასრულყოფილი მომსახურების გაწევით შემსყიდველისათვის მიყენებული ზიანის კომპენსაციის სახით გადაუხადოს ხელშეკრულების საერთო ღირებულების 10%-ის ოდენობით.

14. ხელშეკრულების შეწყვეტა

- 14.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 14.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 10 დღით ადრე.
- 14.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 14.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისთვის გათვალისწინებული პასუხისმგებლობისაგან.
- 14.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
 - ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) თუ მიმწოდებელს ხელშეკრულებით გათვალისწინებულ ვადებში არ შეუძლია გაწიოს მოთხოვნილი მომსახურება ან მისი ნაწილი;
 - გ) თუ აღმოჩნდება, რომ მიმწოდებლის მიერ ფაქტიურად გაწეული მომსახურება ხარისხი არ შეესაბამება უშუალოდ ტექნიკურ დოკუმენტაციის მოთხოვნებს და ამ ხელშეკრულების მე-7 მუხლით მოცემულ გარანტიას;
 - დ) თუ აღმოჩნდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - ე) ამ ხელშეკრულების 13.7 პუნქტით გათვალისწინებულ შემთხვევაში.
 - ვ) საქართველოს კანონმდებლობით გათვალისწინებულ სხვა შემთხვევებში.

15. დავების გადაწყვეტის წესი

- 15.1 ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა პირდაპირი არაოფიციალური მოლაპარაკების მეშვეობით, შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.
- 15.2 მხარეთა შორის შეთანხმების მიუღწევლობის შემთხვევაში საკითხის დავის გადაწყვეტის შესახებ გადაეცემა სასამართლოს.

16. სხვა პირობები

- 16.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს მიმწოდებლის მიერ ნაკისრი ვალდებულებების სრულად შესრულებიდან 30 კალენდარული დღის განმავლობაში (გამარტივებული ელექტრონული ტენდერისა და ელექტრონული ტენდერის ჩატარების წესის მე-19 მუხლის მე-14 პუნქტის მოთხოვნათა გათვალისწინებით), თუმცა არაუგვიანეს 2018 წლის 31 იანვრისა.

- 16.2 ამ ხელშეკრულების 16.1. პუნქტით განსაზღვრული ვადის ამოწურვის მიუხედავად, ძალაში რჩება ამავე ხელშეკრულების 4.9 პუნქტის მოქმედება და ასევე ძალას ინარჩუნებს ამ პუნქტით განსაზღვრული მიზნების უზრუნველყოფასთან დაკავშირებული სხვა პუნქტები/დებულებები. ხელშეკრულების 16.2. პუნქტის მოქმედება ძალაშია სახელმწიფო მაკონტროლებელი ორგანოების მიერ შემსყიდველის სამეურნეო საქმიანობის შემოწმების დასრულებამდე.
- 16.3 ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად.
- 16.4 ხელშეკრულების განუყოფელი ნაწილია მისი დანართები: დანართი №1: სატენდერო დოკუმენტაციის მე-2 თავი “ტექნიკური დავალება” – “----” ფურცლად და დანართი №2: ----- ის სატენდერო წინადადება (სრულად, სატენდერო დოკუმენტაციის მიხედვით მოთხოვნილი თანდართული დოკუმენტაციით) – “-----” ფურცლად.
- 16.5 ხელშეკრულებითა და მისი დანართებით გათვალისწინებულ დებულებებს (განსაზღვრებებს) შორის ნებისმიერი შეუსაბამობის შემთხვევაში, ერთმანეთთან მიმართებაში უპირატესობა განისაზღვრება შემდეგი თანმიმდევრობით: 1. ხელშეკრულება; 2. დანართი №1; 3. დანართი №2;
- 16.6 ხელშეკრულებას დანართის სახით თან ერთვის ცნობა, რომ ----- არ არის დღე-ს გადამხდელი – “-----” ფურცლად.

17. მხარეთა ხელმოწერა და რეკვიზიტები

“შემსყიდველი”

“მიმწოდებელი”

შ.პ.ს. “საქართველოს ტელერადიოცენტრი”

მთაწმინდა, ფუნიკულიორის ზედა პლატო;

საიდენტიფიკაციო № 203829250;

სს “საქართველოს ბანკი”, კოდი: BAGAGE22

ანგ№GE78BG000000181761401;

სს “ბანკი რესპუბლიკა”, კოდი: REPLGE22

ანგ№GE42BR0000010702157782;

ტელ: 2368116; 2506336; ფაქსი:2506333

ელ.ფოსტა: d.iantbelidze@tvrcenter.ge;

დირექტორი

----- /გ.დეკანოსიძე/

პრეტენდენტის რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი, გვარი და თანამდებობა:

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკი:

ბანკის კოდი:

ანგარიშსწორების ანგარიში:

პრეტენდენტის უფლებამოსილი პირის ხელმოწერა: ----- /-----/

(და ბეჭედი – მისი არსებობის შემთხვევაში)

*****შენიშვნა:** დანართი №1 ივსება პრეტენდენტის მიერ და უნდა აიტვირთოს შესყიდვების ერთიან ელექტრონულ სისტემაში პრეტენდენტის სატენდერო წინადადებასთან ერთად.

ფასების ცხრილი

№	გასაწევი აუდიტორული მომსახურება	პრეტენდენტის თანამშრომ(ლები)ელი (სახელი/გვარი/პირადი#), რომლებსაც გააჩნიათ სატენდერო დოკუმენტაციის 2.5. პუნქტით განსაზღვრული სერთიფიკატი და რომლებიც უშუალოდ უზრუნველყოფენ მომსახურების გაწევას	რაოდენობა (ცალი)	ერთეულის ფასი (ლარი)	საერთო ფასი (ლარი)	მომსახურების გაწევის ვადები
1	2016 წლის ფინანსური აუდიტი სატენდერო დოკუმენტაციის მე-2 თავით განსაზღვრული მოთხოვნების დაცვით		1			არაუგვიანეს 2017 წლის 31 მაისისა
2	2016 წლის საგადასახადო აუდიტი სატენდერო დოკუმენტაციის მე- 2 თავით განსაზღვრული მოთხოვნების დაცვით		1			არაუგვიანეს 2017 წლის 24 მარტისა
3	შემსყიდველი საწარმოს კაპიტალში ცვლილებების განხორციელების (მათ შორის სახელმწიფო ან/და მესამე პირის საკუთრებაში არსებული ქონების შეფასება და შემდგომში კაპიტალში შეტანა), ქონების სარგებლობაში გადაცემის/გადმოცემის, რეალიზაციის, ასევე ჩამოსაწერი და საექსპლუატაციოდ უვარგისი ძირითადი საშუალებების შეფასება სარეალიზაციოდ ან გასანადგურებლად მომზადების მიზნით, პროცესის აუდიტორული მომსახურება და შესაბამისი აუდიტორული დასკვნის გაცემა - ქონების შეფასების აუდიტი სატენდერო დოკუმენტაციის მე-2 თავით განსაზღვრული მოთხოვნების დაცვით		125			შემსყიდველის წერილობითი მოთხოვნის შესაბამისად, ამგვარი მოთხოვნის გაკეთებიდან არაუგვიანეს 15 სამუშაო დღისა. (მიმწოდებლის ელ.ფოსტაზე გაგზავნილი წერილობითი დასკვნარებული PDF მოთხოვნა ჩაითვლება სრულფასოვან მოთხოვნად.
სულ (ჯამი):						

პრეტენდენტის უფლებამოსილი პირის ხელმოწერა: ----- /-----/

(და ბეჭედი – მისი არსებობის შემთხვევაში)

***შენიშვნა:

- ერთეული და საერთო ფასი მითითებული უნდა იქნას დღგ-ს გარეშე (იხ.სატენდერო დოკუმენტაციის 2.13პუნქტი);
- დანართი №2 ივსება პრეტენდენტის მიერ და უნდა აიტვირთოს შესყიდვების ერთიან ელექტრონულ სისტემაში პრეტენდენტის სატენდერო წინადადებასთან ერთად.
- პრეტენდენტმა ფასების ცხრილში შემოთავაზებული ღირებულებები უნდა დაამრგვალოს ასეულის სიზუსტით (მძიმის შემდეგ მაქსიმუმ ორი ციფრი), სტანდარტული არითმეტიკული წესით.